

quoque magnificentia tua ineffabilis demonstratur: in arce inquam Strigoniensi, ad cuius restitutionem assiduam etsi nullis parcas impensis, longè tamen ampliori sumptu solertiorique studio bibliothecas preciosissimas, ac omni genere codicum refertissimas instituisti. Quantam præterea & quam perennem curam habeas condendi studij generalis, conclamatum esse iam pridem arbitror, cum ex vniuersis literatorum consortijs omnium professionum doctissimos quosque viros accersere soleas, officio fretus regij Cancellarij supremi. cui cæpto felicissimo me quoque V Viennensis collegij alumnus quantumcumque adesse voluisti, docturum videlicet quadruuales facultates. Venienti igitur, voluntatiq; tuæ morem gesturo mihi in primis id mandati dedisti, vt tabulas quasdam directionum componerem, quæ & vsu faciles & iudicibus vtilis essent. Reclè quidem animaduertisti difficultatem huiusce rei, quam profectò omnes Astrologi tanquam horrendum scopulum declinant: nemo omnium est, qui sese tantis rebus satis expedire possit, tametsi multifaria huius negotij præcepta passim reperiantur. Hali nempe in quarto libro suo artem directionum asserit esse complementum iudicij natalis: quamobrem operæ præciū decreuit, compilare tabulas soluendi nodos: quæ cum nostra tempestate nusquam reperirentur, Parmensis quidam Archidiaconus quæctorem secutus, tales contexit ad medium sexti climatis: imbecilles tamen, ac à mente Ptolemæi eiusque Commentatoris, imò & ab opinione propria (quòd fœdissimum est) longè alienas. Nam & ipse modum dirigendi per Sphæram solidam, officio semicirculi Meridiano & Horizonti coeuntis summopere laudat, & Ptolemæum idem (quod verum est) sensisse arbitratur. Postremò tamen in tabulis suis ponit fiduciam, ignorans vtiq; quantum his duobus modis interesse possit discriminis, quòd reuera 5 gradus (absurdum dictu) nonnunquam excedit. Erit forsitan qui Ptolemæum clarissimum eiusdem quoque vity in simulabit: quippe qui in tertio quadripartiti sui agens de spacio vitæ, paulò antequam ad duos dirigendi modos descendit, totius artis iacit fundamentum, necessarium quidem ratus, in directione sequentis loci positionem